



TEKS UCAPAN



**YB DATO' SERI HAMZAH BIN ZAINUDIN
MENTERI KEMENTERIAN PERDAGANGAN DALAM NEGERI,
KOPERASI DAN KEPENGGUNAAN**

**IFTAR BERSAMA KUMPULAN MEDIA KARANGKRAF &
PELANCARAN FRIENDS OF KPDKKK KLUSTER MEDIA**

**DI KOMPLEKS KARANGKRAF, SHAH ALAM
15 JUN 2016**

Bismillahirrahmanirrahim

Assalamualaikum warahmatullahi wabarakatuh

Salam sejahtera

Terima kasih saudara pengacara majlis

Yang Berbahagia Dato' (Dr.) Hussamuddin Hj. Yaacub

Ketua Pegawai Eksekutif Kumpulan Media Karangkraf

Yang Berbahagia Dato' Sri Jamil Bin Salleh

Ketua Setiausaha Kementerian

Yang Berbahagia Timbalan-Timbalan Ketua Setiausaha

Ketua-Ketua Editor, Ketua-Ketua Biro

Rakan-Rakan Media daripada Media Cetak dan Elektronik

Barisan pimpinan kumpulan media karangkraf

Ketua-ketua Agensi di bawah KPDNKK, Pegawai-pejawai Kanan Kementerian

Seterusnya para hadirin yang saya hormati sekalian.

1. Alhamdulillah, pertamanya marilah kita sama-sama bersyukur ke hadrat Allah S.W.T kerana dengan limpah kurnia dan izin-Nya juga, dapat kita bertemu pada petang Ramadan yang ke-11 dengan penuh kesyukuran. Saya ingin mengambil kesempatan ini untuk merakamkan ucapan terima kasih kepada semua yang hadir.
2. Bagi saya, penganjuran majlis ini adalah satu usaha murni yang mempunyai matlamat yang tersendiri iaitu bagi merapatkan lagi ikatan silaturrahim kita. Bagi kami di KPDNKK, media ataupun wartawan adalah merupakan kawan setia kami, yang saling memerlukan. Kami memerlukan anda semua sebagai mata, telinga dan melaporkannya kepada masyarakat pengguna.
3. Penganjuran majlis iftar khusus buat media pada petang ini hanyalah sebahagian kecil penghargaan KPDNKK kepada anda semua pengamal media, yang sering bertungkus lumus menyajikan berita-berita terkini kepada masyarakat. Media boleh diibaratkan sebagai tali penghubung di antara pihak kerajaan dengan rakyat. Sungguh pun media sosial bergerak begitu pantas dan popular, namun media arus perdana seperti surat khabar, televisyen dan juga radio masih menjadi medium penting bagi mendapatkan maklumat.

4. Kewartawanan bertanggungjawab adalah untuk membina, menjaga dan memelihara apa yang telah kita bina sedangkan kewartawanan tidak bertanggungjawab adalah sebaliknya – memusnahkan.
5. Bagaimanapun, apa yang melegakan dan membanggakan saya adalah komuniti wartawan di negara ini, terutama dalam kalangan media arus perdana, mempunyai komitmen yang bersungguh-sungguh untuk menjadikan prinsip kewartawanan yang bertanggungjawab sebagai pegangan mereka.

Sidang hadirin sekalian,

6. Dalam ruang lingkup kementerian ini, peranan media bukan sekadar menyampaikan maklumat terkini kepada masyarakat, malah media juga melibatkan diri dalam aspek kepenggunaan. Ia bermaksud media juga merupakan ‘mata & telinga’ KPDKKK. Bila saya sebut ‘mata & telinga’ bermakna media juga merupakan rakan kepada kementerian, atau lebih tepat ‘friends of KPDKKK’.
7. Menjadi mata dan telinga KPDKKK bermaksud melaporkan salahlaku peniaga dan dalam masa yang sama mendidik masyarakat menjadi pengguna yang bijak. Marilah kita bersama-sama berganding bahu dalam merealisasikan hasrat kerajaan untuk melahirkan masyarakat pengguna yang berwibawa serta peniaga yang beretika.
8. Justeru, pada hari ini, saya akan melancarkan ‘Friends of KPDKKK’ untuk Kluster Media bagi memastikan adanya platform yang sesuai dalam perkongsian maklumat antara pihak media dan Kementerian. Jadi manfaatkanlah ruang yang ada ini untuk bekerjasama lebih erat lagi.

Dengan kata-kata itu, saya dengan lafaz bimillahir rahmanir rahim melancarkan 'Friends of KPDKKK' Kluster Media pada petang ini.

Sekian, wabillahitaufik walhidayah wassalamu'alaikum wbt.

Terima kasih.